

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 436795 22 St
Tuzla, 03.05.2023.godine

Općinski sud u Tuzli, sudija Antonela Đaković, kao stečajni sudija u stečajnom postupku nad stečajnim dužnikom „SULJKIĆ“ d.o.o. za izradu, obradu i ugradnju građevinske limarije i plastične stolarije Živinice u stečaju, nakon provedenog stečajnog postupka donio je dana 03.05.2023.godine slijedeće:

R J E Š E N J E

OTVARA SE stečajni postupak nad imovinom dužnika „SULJKIĆ“ d.o.o. za izradu, obradu i ugradnju građevinske limarije i plastične stolarije Živinice u stečaju, matični broj subjekta 1-11993, JIB: 420946909009, račun broj: 13211003009932366 otvoren kod NLB Banke d.d. Sarajevo.

Za stečajnog upravnika imenuje se Elma Zukić iz Sarajeva.

ZAKLJUČUJE SE stečajni postupak nad imovinom dužnika „SULJKIĆ“ d.o.o. za izradu, obradu i ugradnju građevinske limarije i plastične stolarije Živinice u stečaju, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 436795 22 St od 18.01.2023. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „SULJKIĆ“ d.o.o. Živinice, a za privremenog stečajnog upravnika imenovana je Elma Zukić iz Sarajeva, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 22.02.2023.godine. Iz izvještaja privremenog stečajnog upravnika proizilazi da društvo ne posluje i da nema uposlenika. Dužnik ne posjeduje poslovne prostorije na prijavljenoj adresi sjedišta, djelatnost je obavljalo u iznajmljenim prostorijama, niti posjeduje bilo kakvu imovinu obzirom da nije upisan kao nosilac prava u katastarskom operatu Grada Živinice niti zemljišno-knjižnom uredu Općinskog suda u Živinicama. Obaveze društva prema knjigovodstvenoj evidenciji iznose 382.434,00 KM, a odnose se na neplaće direktne i indirektne poreze, odnosno doprinose, kao i na obaveze prema dobavljačima. Dakle, privremeni stečajni upravnik nalazi da je podnosilac prijedloga za otvaranje stečajnog postupka podnio

prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajni postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 15.03.2023.godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime otvaranja stečajnog postupka, iz kojeg predumjerenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 22/23 dana 29.03.2023.godine, oglasnoj tabli suda dana 16.03.2023. godine i na web stranici suda.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu preduma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija
Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama